



an 10

Vermanung an die ombstehenden bey dem heiligen Ampt der Messe.



4



Handwritten text in a Gothic script, likely a title or heading, possibly starting with 'Sicut in...'. The text is faint and difficult to read due to fading and bleed-through.



A geliebten in Christo Jesu vnserm Her-
 ren/ In diesem heiligen Ampt/ darin wir
 vnsern Herrn vnd Erlöser Christum Je-
 sum in seinen waren leib vñ blut / zur gedech-
 nis seines heiligen leidens / Gott dem hime-
 lischen Vater fürbringen wollen/ Sollen wir
 das ganz werck menschlicher erlösung in vn-
 sern hertzen vnd gedanken kützlich erholen/
 vnd erstlich zu gemüt führen / Nach dem durch
 die sünd eines menschen die ganz welt dem
 zorn Gottes vntergeben/ vnd der verdammus
 schuldig/ auch die natur aller menschen mit der
 seuche der sünden verderbt / vnd von jugent
 an zum vbel geneigt war/ Daher die verderb-
 te Adams Kinder sünd mit sünden hauffeten/
 vnd den gerechten zorn Gottes vnd die ver-
 dammus vber sich selbs immer schwerer einfü-
 reten/ Da hat Gott/ ein Vater grosser lieb vñ
 voller erbarmung/ sich des elends seines volcks
 jamern lassen / vnd (wie er verheissen het) sei-
 nen einigen vnd geliebten Son in die welt ge-
 sand/ angethon mit warer menscheit/ vnd mit
 vnserm fleisch vmbgeben/ auff den er all vnser
 sünden gelegt / vnd in vmb vnser mishand-
 lung in die straff geben/ Der vnser sünd an sei-
 nem leib ans Creutz getragen/ vnd er vnschul-
 dig für die sündler / vnd der gerecht für die
 vngerechte sein blut ausgossē / vñ ein schmerz-
 lichen todt erlidten/ vnd also durch das opffer
 seines heiligen leibs vnd bluts für aller mensch-
 en sünd bezalt / vnd die ganze welt mit Gott
 versönet hat:

Rom. 5.
 Ephes. 2.
 Psalm. 50

Gen. 6.8.

Iohan. 30
 Galat. 4.
 Esaie. 53.

1. Pet. 2.
 Colosß. 2.

2. Cor. 5.

Colosß. 1.
 Hebr. 10.

A ij Auff

Auff dis Opffer haben von anfang die
mancherley opffer der Veter gedeutet / Die sie
darumb gethon / iren glauben an das künfftig
opffer damit zubezeugen / ire danckbarkeit de
almächtigen Gott vmb alle seine wolthat / vñ
in sonderheit / vmb die erlösung / die inen zu
künfftiglich verheissen war / zu erweisen / vnd
also die krafft des künfftigen opffers mit glau
ben / andacht vnd gebet an sich zu bringen / inē
selbs eigen zumachen / vnd zu irem heil zu ge
niessen. Die auch Gott nicht vmb ire opffer /
sondern im glauben auff das künfftig opffer /
in den verdiensten des bluts vnd todts Christi
gerechtfertigt / vnd selig gemachet hat. Gleicher
Ac. 4. 10 weis auch wir / vnd alle so nach vns bis zu end
der welt kommen werden in diesem einigen op
ffer vergebung der sünden / versönung mit
Gott vnd vnser heil vnd seligkeit erreichen
müssen.

Darumb dan Christus vnser lieber Herr
(wie vorhin im Malachia bezeugt / vnd im
Malach. 1 Melchisedech bedeutet war) dis rein vñ heilig
Gene. 14 opffer seines waren leibs vnd blut seiner Kir
chen verordnet / vnd zu seiner gedechtnus zu
halten / vnd zu empfangen befolhen hat / Nicht
das wir noch alle tag vergebung der sünden
vnd versönung mit Gott von neuen verdienē
Matth. 26 müssen (Gleich als ob Christus für vns nicht
genugsam / reichlich / vnd zum vollkommesten
verdienenet het) Sonder das wir also für vnser
Erlösung vnd alle Göttliche wolthaten danck
sagen sollen / vnd das jenig was durch Chri
stum in

stum in jenigem opffer seines leibs vñbluts am
Creuz einmal erworben ist / durch dieses Leben
bildnisch gedenc̄ opffer seines tods mit glau-
ben / andacht vnd gebet an vns bringen vns
eigen machen / vnd zu vnser selbs heil vnd selig
keit geniessen mögen.

So wolt nun jr geliebten in dem Herrn ew
ere hertzen vnd gemüter hieher in diese hand
lung richten / vnd nach dem befehl des Herrn /
seines heiligen vnschuldigen leidens vnd ster-
bens ein gedechtnus helffen halten / vnd mit
ernstem fleis in ewern hertzen bedencken / was
der heilig Son Gottes für vns vnd vmb vn-
ser heil erlidten vnd verrichtet hat. Wie der vn-
schuldig Herr (nach dem er von seinem jünger
verrathen war) im garten in erwartung sei-
nes folgenden leidens mit schmerzlicher angst
bis zum blutigen schweis umgeben / von seine
feinden schmechlich vberfallen / vnmiltiglich
gefangen vnd gebundē / spötlich gefürt / felsch
lich anklagt / von den dienern die ganze nacht
hönlich verspottet / von den söldnern schmerz
lich gezeiselt / volgends ans Creuz gehenc̄t
worden / vnd endlich in höchster schmach vnd
schmerzen am Creuz erstorben ist. Alles dar-
umb / das er durch sein heiliges blut den wust
vnserer sünden abwaschen / vnd durch seinen
vnschuldigen tod vnser wolverdiente straff
bezalen / den ewigen tod von vns abwenden /
vnd vns ewigs leben gönnen wölt.

Darbey wir dann die grosse liebe Gottes Rom. 8.
des Vaters gegen vns beherrigen sollen / der Philip. 2.

A in auch

auch seinem eigen Son nit verschonet /sonder
in für vns dargeben hat. Desgleichen sollen
wir vns zu gemüt führen die willige vnd vns
heilsame gehorsam des heiligsten Sons Got-
tes Christi vnser Herr/ der aus hertzlicher lie-
be gegen vns / sich aus der Göttlichen herrlig-
keit bis in vnser tieffests elend enteuffert vnd
vmb vnser heil in tod des Creuzes geben hat /
auff das er vns / die wir in sünden tod waren /
zum leben bringen / vnd in die ewige seligkeit
einsetzen möcht. Weil wir dan vergebung vn-
serer sünden/ versöhnung mit Gott / auch alles
heil vnd seligkeit zeitlich vnd ewiglich / nicht in
vns selbs /sonder allein in diesem theuren blut
vnd diesen heilsamen verdiensten Christi fin-
den vnd erlangen mögen. So wöllen wir den
selben vnsern Herrn (wie er vns befolhen hat)
in seinem waren leib vnd blut / wie er sich selbs
einmal für vns am Creuz blutiger vñ schmerz-
licher weis in tod auffgeopffert hat / jezund
vnschmerzlicher / vnblutiger vnd vnsterblicher
weis / in geheimnus / vnter gestalt brots vnd
weins dem himlischen Vater fürstellen / in da-
mit des einmal volnbrachten Creuzopffers /
des erlidten tods / vnd vergossenen bluts / sei-
nes vnschuldigen Sons erinnern / vñ von hertz-
en bitten / das er vmb die theure vnd heilsame
verdienst des heiligen Leidens vnd vergosse-
nen bluts Christi / vns sampt allē gliedern Chri-
sti / vnsern mitglaubigen / so in oder aus den lei-
ben seind / gnedig sein / vnd vns / auch allē gläu-
bigen / heut vnd zu allen zeiten / zu vnserm heil
vnd

vnd seligkeit wölle' gedeihen lassen / was sein
geliebter Son vnser Herr vnd Heiland Jesus
Christus im offer seins leibs vnd bluts am
Creuz für vns / vnd die ganze welt verrichtet
gewonnen vnd erworben hat. Vnd damit jr
alle mit Christo vnserm Herrn dester neher vñ
vester verglidet vnd vereinigt werden / vnd al
le seine gnaden zur sterckung ewrer seelen / vnd
zu gewissem heil dester mehr genießen möcht
so wöllet auch zum ende / das heiligste Sacra-
ment des waren leibs vnd bluts Christi (wo
nicht mit dem mund Sacramentlich) doch mit
herzen im waren glauben vnd andacht geist-
lich empfahen / dem allmechtigen Gott für alle
seine gnaden vnd wolthat von herzen danck-
en / euch selbs vnd die ganze Christenheit in sei-
ne Väterliche gnad vnd schirm befehlen / vnd
dan im namen Gottes zu haus gehen mit tröst-
licher zuuersicht / das der allmechtig Gott die
heilsame verdienst Christi jetzt vnd zu allen zei-
ten / vns seinen gleubigen zu vnserm nutzen gel-
ten lassen / vns vmb Christi willen genedig sein
in seine schirm erhalten / vnd vns zeitlich vnd
ewigs heil nach seiner warheit vnd barmhertz-
igkeit verleihen wölle. Durch Christum Jesum
vnsern Herren / Dem sey mit dem Vater vnd
heiligen Geist lob / ehr vnd preis in ewigkeit /
Amen.

... s... d...
... o... d...
... n... d...
... p... s... d...
... s... u... m... d...
... r... o... u... s... o... n...
... n... o... l... ; s... r...
... d... s... d... m... m...
... t... t... m... w... e... n...
... d... e... n... t... a...
... s... u... p... m... d... s... m...
... o... r... a... e... m... e... ; s... m...
... t... u... n... y... m... u... e... i...
... t... m... u... n... u... a... r... e...
... t... m... u... n... y... m... u...
... t... u... d... o... m... a... r... m...
... t... u... p... o... m... p... r... e... q... u...
... t... u... s... u... n... g... u... n... t... m...
... t... u... r... a... m... i... c... h... y... n...

darff verlichten vnd fere dahin zu
en / das sie me zu gefallen ires Or
Nirtens Christliche stin vnd erma
schlagen / vñ seinen vngerecumpet
ierischen geiste raum geben / vnd
n. Desto weniger hat der Bischoff
mit der mühe zobeladen / das er
miatori selber antworte vnd ges
G. des gegen einem solchen Wenz
antwort auch eine antwort sey. Zu
les vmb ihn / seine schmach schrieff
ußgegossene gießt dermassen ges
as sie sich selbst widerlegt. Nach
leich woll dem Armen einfaltigen
solche schriefften / die augen vor
en / Auch das Schmechbüch hin
ußgebreitet / Aber des Bischoffs
n noch zurzeyt wenig leutten vor
omit allerley ergernuß verhuetet
ch auß getrewer neygung / demie
tlichen Kirchen vorwant / Gotte
der warheyt zu stercke nicht vmb
chten grundt vnd meynung des
erklären / Also das meniglich spüs
das sein G. nichts anderst vorge
i was ihr aus anfferlegtem Bis
Ampte geburet hatt / Vñ gleich
em volcke hat vorhalten sollen /
A iij Als

77 L 1060





